



ЗООНОЗЫН ӨВЧИН СУДЛАЛЫН
ҮНДЭСНИЙ ТӨВИЙН ЕРӨНХИЙ ЗАХИРЛЫН
ТУШААЛ

2021 оны 02 сарын 05 өдөр

Дугаар 8/08

Улаанбаатар хот

Г Халдвартын сэргийлэлт хяналт, биоаюулгүй ажиллагааны дэглэмийн багийн бүрэлдэхүүнийг шинэчлэн батлах тухай

Эрүүл мэндийн Сайдын 2017 оны А/161, 2017 оны А/505, 2019 оны А/536, А/537, 2021 оны А/29 дүгээр тушаалууд, төвийн Хөдөлмөрийн дотоод журмын 2.2.7 дахь заалтыг үндэслэн зоонозын халдвартын биоаюулгүй ажиллагааг хангах, халдвартын сэргийлэлт, хяналтын тогтолцоог сайжруулах зорилгоор ТУШААХ НЬ:

1. Халдвартын сэргийлэлт, хяналт, биоаюулгүй ажиллагааны дэглэмийн багийн дараах бүрэлдэхүүнтэй шинэчлэн томилсугай.

Багийн дарга Ц.Отгонцэцэг

НЭМТШУА-ны Тархвар судлагч их эмч

Гишүүд: Э.Нарангарав

НЭМТШУА-ны Тархвар судлагч их эмч

С.Оюунчимэг

НЭМТШУА-ны Эмнэлзүйч эмч

Г.Зулцэцэг

АХБҮТ-ийн Тархвар судлагч их эмч

Б.Бямбажав

НЛА-ны ЛЛТ-ийн Эрхлэгч их эмч

Б.Нацагдорж

НЛА-ны ЛЛТ-ийн Генетикч

Нарийн бичгийн дарга М.Оюунбилэг

ЧА-ны Нян судлагч их эмч

2. Халдвартын сэргийлэлт, хяналт, биоаюулгүй ажиллагааны дэглэмийн багийн бүрэлдэхүүний ажиллах журмыг хавсралт ёсоор баталсугай.

3. Халдвартын сэргийлэлт, хяналт, биоаюулгүй ажиллагааны дэглэмийн багийн бүрэлдэхүүнд хийсэн ажлын гүйцэтгэл, үр дүнг харгалзан 50000 /тавин мянган/ төгрөг хуртэлх нэмэгдлийг улирал тутам олгож байхыг Ахлах нягтлан бодогч /З.Уганцэцэг/-д зөвшөөрсүгэй.

4. Тушаалын хэрэгжилтэд хяналт тавьж ажиллахыг Дэд захирал /Б.Амгаланбаяр/-т үүрэг болгосугай

5. Энэхүү тушаал гарсантай холбогдуулан төвийн захирлын 2016 оны 11 дүгээр сарын 29-ний өдрийн А/79, 2020 оны 01 дүгээр сарын 14-ний өдрийн А/03 дугаар тушаалыг тус тус хүчингүй болсонд тооцсугай.



ЕРӨНХИЙ ЗАХИРАЛ

Н.ЦОГБАДРАХ

Зоонозын өвчин судлалын үндэсний төвийн еренхий
захирлын 2017 оны 02 дүгээр сарын 05-ны
өдрийн 108 дугаар тушаалын хавсралт

ХАЛДВАРЫН СЭРГИЙЛЭЛТ, ХЯНАЛТ, БИОАОУЛГҮЙ АЖИЛЛАГААНЫ ДЭГЛЭМИЙН БАГИЙН БҮРЭЛДЭХҮҮНИЙ АЖИЛЛАХ ЖУРАМ

Нэг: Ерөнхий зүйл

- 1.1 Энэхүү журмын зорилго нь зоонозын өвчний халдвартай ба сэжигтэй материалтай ажиллах үед халдварын болзошгүй эрсдэлээс урьдчилан сэргийлэх, илэрсэн зөрчлийг засуулах, холбогдох арга хэмжээг шуурхай зохион байгуулах, ЭМС-ын холбогдох тушаал зааврын хэрэгжилтийг хангуулахад оршино.
- 1.2 Энэхүү журмыг төвийн ХСХБДБаг бүрэлдэхүүн Үндэсний төвийн нийт ажилчдад судлуулан мөрдлөг болгон ажиллана.
- 1.3 Шинээр ажилд орж байгаа ажилчдад зааврыг судлуулан З хоногийн дотор шалгалт авна. Шалгалт авсан ХСХБДБаг бүрэлдэхүүн тухайн хүнд халдварын сэргийлэлт хяналт, биоаюулгүй ажиллагааны зааварчилгаа өгч, цаашид тус байгууллагад ажиллах эсэхэд бичгээр баталгаа гаргаж төвийн хүний нөөцийн менежерт өгнө.

Төвийн нийт ажилтан нарын үүрэг:

- 1.4 Ажлын бус цагаар бичгийн ажлаар төвд ажиллах эмч, ажилтан нь дэглэмийн зааварт заасаны дагуу, халдвартай ба сэжигтэй материалтай ажиллах тохиолдолд ХСХБДБагийн дарга, түүний томилсон гишүүний гарын үсэг бүхий зөвшөөрлөөр лабораторид 2-оос доoshgүй хүний бүрэлдэхүүнтэй ажиллана.
- 1.5 Гадны байгууллагын ажилтан лабораторид ажиллах тохиолдолд Халдварын сэргийлэлт, хяналтын багийн дарга, нарийн бичгийн зөвшөөрлийн дагуу ажиллах бөгөөд тухайн ажил үйлчилгээ хийлгэх алба, тасгийн дарга, эрхлэгчийн томилсон мэргэжилтний хяналтанд ажиллуулна.
- 1.6 Лаборатори болон биоуайлдвэрлэлээс эд зүйл, тоног төхөөрөмж, эм урвалж, оношуулз зэргийг гадны байгууллагад шилжүүлэх, засвар үйлчилгээ хийлгэхдээ байгууллагын удирдлагын бичгээр гаргасан зөвшөөрлөөр, ХСХБДБ-ийн дарга, гишүүдийн бичгээр гаргасан зөвлөгөө, зөвлөмжийн дагуу хийж гүйцэтгэнэ.
- 1.7 Төвийн эмч, ажилтан нь олон улсын биологийн аюулын II-Y зэрэглэлийн бичил биетэнтэй ажиллах туршилт, эрдэм шинжилгээ, судалгааны ажил хийх хүсэлтийг батлагдсан заавар, журам, удирдамж, халдвар хамгаалал, биоаюулгүй ажиллагааны техник үндэслэлийн хамт ХСХБДБагт хүргүүлж, дэглэмийн багийн хурлын тэмдэглэлийг үндэслэн байгууллагын удирдлагын шийдвэрээр олгоно.

Хоёр. Багийн гишүүдийн эрх, үүрэг

Зоонозын өвчин судлалын үндэсний төвийн халдварын сэргийлэлт хяналт, биоаюулгүй ажиллагааны дэглэмийн баг бүрэлдэхүүн нь байгууллагын даргын тушаалаар баталгаажиж 5-7 хүний бүрэлдэхүүнтэй доорх эрх, үүрэгтэй ажиллана.
Үүнд:

Багийн гишүүдийн үүрэг

- 2.1.1. Эрүүл мэндийн Сайдын 2017 оны а/161 дүгээр тушаал “Зоонозын халдварт өвчин үед ажиллах халдвар хамгаалал, биоаюулгүй ажиллагааны дэглэмийн заавар болон энэхүү тушаалын хэрэгжилтийг төвийн хэмжээнд хангуулан ажиллах
- 2.1.2 Баг нь жилийн төлөвлөгөө, хяналт хийх хуваарийг баталгаажуулж, багийн гишүүд нь хуваарийн дагуу болон гэнэтийн хяналт шалгалтыг чанартай, товлосон хугацаанд хийж гүйцэтгэх

- 2.1.3. Тасаг, лабораториудад гарсан осол, зөрчлийг ХСХБДБаг бүрэлдэхүүнээр шалгаж, шалтгааныг тогтоож, авах арга хэмжээний саналыг удирдлагын зөвлөлийн хуралд оруулах
- 2.1.4 Барилга, байгууламжид засвар хийх, өрөө тасалгааны байршил өөрчлөх, эрдэм шинжилгээ, сорил туршилтын ажлыг явуулах хүсэлтийг үндэслэн бэлтгэл хангах болон ажлын явцад халдварт хамгаалал, биоаюулгүй ажиллагааны зөвлөгөө мэдээллээр ханганд, хяналт тавьж дүгнэлт гаргах
- 2.1.5 Халдвартай ба сэжигтэй материалтай ажилладаг эмч, ажилчдаас жилд 1 удаа шалгалт авч ажиллах эрхийг тушаалаар баталгаажуулна. Шалгалтанд 2 удаа хангалтгүй дүн үзүүлсэн ажилтныг цаашид ажиллуулах эсэх талаарх ХСХБДБ-ийн дүгнэлтийг байгууллагын захиргаанд хүргүүлэх
- 2.1.6 Халдварт өвчний үүсгэгчийг яаралтай шинжлэх зайлшгүй шаардлагатай үед зориулалтын лаборатори хүрэлцэхгүй нөхцөлд нян судлалын болон бусад лабораториудыг зааврын дагуу өөрчлөн өргөтгөж ажиллуулахаар захиргаанд санал тавьж шийдвэрлүүлэх
- 2.1.7 Хийсэн ажлын тайлан, үр дүнг хагас, бүтэн жилээр гаргаж, төвийн удирдлагын зөвлөлд танилцуулж ажиллах
- 2.2.Багийн гишүүдийн эрх:
- 2.2.1 Байгууллагын удирдлага, тасаг, албаны дарга, эрхлэгч, нийт эмч, ажилтан нарт зоонозын халдварт халдвартай буюу сэжигтэй материалтай ажиллахад мөрдөх халдварт хамгаалал, биоаюулгүй ажиллагааны дэглэмийн заавар баримталж ажиллахыг шаардах
- 2.2.2 Халдвартай буюу сэжигтэй материалтай ажиллах заавар зөрчсөн эмч, ажилан нарт хариуцлага тооцох саналыг захиргаанд оруулах
- 2.2.3 Зоонозын өвчний үүсгэгчтэй буюу сэжигтэй материалтай ажиллаж байгаа бусад байгууллагын лаборатори, тасагт шаардлагатай тохиолдолд дэглэмийн зааврын хэрэгжилийг шалгаж, мэргэжлийн дүгнэлт гаргах
- 2.2.4 Дэглэмийн зааврын хэрэгжилт хангалтгүй, зөрчилтэй лаборатори, алба, тасаг, нэгжийн талаар төвийн захиргаанд танилцуулж, зоонозын өвчний халдвартай ба сэжигтэй материалтай ажиллах зөвшөөрлийг цуцлах буюу хориглох
- 2.2.5 Халдварт хамгааллын онцлог, ажлын шаардлагатай уялдаж төвөөс баталсан бүртгэлүүдээс гадна шинжилгээ, судалгааны ажилд нэмж хөтлөгдөх маягт, бүртгэлүүдийн хөтлөлтөнд хяналт тавих
- 2.2.6 Үйл ажиллагааны болон дэглэмийн зөрчил гаргаж хаагдсан лаборатори, боксын үйл ажиллагааг ирүүлсэн хүсэлтийн дагуу хяналт тавьж, хэвийн болсон үед үйл ажиллагааг эхлэх зөвшөөрөл олгох

Гурав. Багийн гишүүдийн хариуцлага

- 3.1 Багийн гишүүд журамд зааснаас өөрөөр эрхээ хэтрүүлэн ашиглах, захиргааны болон халдвартын сэргийлэлт, хяналтын багийн хурлын шийдвэр эцэслэн гаралтгүй, асуудлын шалтгаан нотлогдоогүй тохиолдолд бусдад мэдээлэл тарааж, хариуцлага алдвал хөдөлмөрийн дотоод журам, бусад хууль дүрмийн дагуу хариуцлага хүлээнэ.
- 3.2 Журамд заасан үүргээ биелүүлээгүй, ажилдаа хариуцлагагүй хандсан тохиолдолд захиргааны шийдвэрээр арга хэмжээ авна.